



2. maj 2024

Aqqalu C. Jerimiassen

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquqit:

- 1. Royal Greenlandip inissisimaffini atorlugu akiviusuniit qaffasinnerungaartumik tulaassuisuminut akiliisarsimanera, taamatullu namminersortut unammillersinnaajunnaarsimmagit Naalackersuisut pissusissamisoortutut isigivaat?**
- 2. Royal Greenlandip ukiuni arlalinni iluanaarutaanngitsumik nipisaat suaannik pisisarsimanera Naalackersuisuniit pissusissamisoortutut isigineqarpa?**

(Inatsisartuni ilaasortaq Aqqalu C. Jerimiassen, Atassut)

Tungavilersuut:

Sapaatit akunnerini kingullerni Royal Greenlandip tusagassiivianiit takuneqarsinnaavoq, suliffeqarfik pisortat pigisaata, nammineerluni nassuiaanermisut, marlussoriarluni aalisartut tunisassiat akivianniit qaffasinnerungaartumik akiliisarsimasoq.

Tallimangorneq 26. april siulersuisuni siulittaasoq Maliina Abelsen Sermitsiakkut oqarpoq, Coronap nalaani Royal Greenlandimi tunisinerit ingerlatiinnarniarlugit aalajangersimallutik, aamma tunisassiorneq unikkaluarmat. Siulersuisuni ilaasortaq Niels Thomsen 25. april KNR-mut oqarpoq, ukiuni siuliini nipisaat suaannik tunisineq amigartoorutilimmik ingerlanneqarsimasoq, aalisartunngooq eqqarsaatigalugit. Aalajangerneq, allanut tunitsivinnut namminersortunut innarliissutaasinnaasoq.

Soorunalimi aalisartortatta aningaasarsiorluarsinnaanissaat kissaatigaara. Tamakkiisumilli isigalugu uannut pingarneruvoq aamma siunissami aalisarnerup akilersinnaasumik ingerlanissaa. Tamannalu qulakkeerneqarsinnaavoq unammilleqatigiinnikkut, tunitsiviillu assigiinngiiaartut. Royal Greenland, nunatta karsianik sillimmasigaasoq, aalisakkerivinnut namminersortunut akinik qaffasissunik neqeroortuassappat, unammilleqatigiinneq unissaaq, akillu appasissunngooqqillutik. Nunatsinni aalisarnermut innarliissaaq aamma inuiaqatigiinnut.